

24 اڱليد ٻيمقورن

- 1 اڪال وين ربي ا-يگا
ءولا ڪولو ما-گيس-يلان.
دونيت تين ربي ا-تگا
ءولا ڪولو ما-گيس-يزدغن.
- 2 عيسرس لاس-نس-غ-گر ٻيمدوان،
عينو-ت ف-يگي ن-وامان.
- 3 ما-را-يغلي س-وورير ن-ربي؟
ما-را-بيد غ-ودغار-نس امزلاي؟
- 4 وانا دار عيفاسن غوسنين د-وول عيصفان.
ءور-ا-يشكشام عيخف-نس عي-لباضل،
ءولا-دا-ياگا توگا ن-تكراس.
- 5 نتان ا-غ-را-يبارك ربي.
را-ت-يجنجم عيرضو فلاس.
- 6 غمڪان اد-گان غويلي تعبادنين،
اڪمورن-ين س-ربي ن-يمزوورا-نسن.
- 7 عيتيات ا-يفلوان،
رژمات ا-يماون ن-زمان،
ا-يڪشم-وگليد ٻيمقورن.
- 8 ما-يگان اڱليد ٻيمقورن؟
يگا-ت ربي لي-يدوسن عيتجهد،
عينرو ڪولو ما-ديدس-يمّاغن.
- 9 عيتيات ا-يفلوان،
رژمات ا-يماون ن-زمان،
ا-يڪشم-وگليد ٻيمقورن.
- 10 ما-يگان اڱليد ٻيمقورن؟
يگا-ت ربي دا-يضران عي-كولشي،
نتان ا-يگان اڱليد ٻيمقورن.